

# *THUMAŠA SEETŠA*

Go lokile. A se ke . . . [Ngwanešu o re, “Se ke segodišantšu sa gago.”—Mor.] Se ke sonasona? Ke a go leboga, mohlomphegi. [“Se ke segodišantšu sa go phela.”] Ee, mohlomphegi. Go lokile. Ke a bona di be di eba mmalewaneng wo monnyane morago kua, gomme kafao . . . Moso, bagwera. A le kgona go nkwa gabotse morago kua? [Phuthego e re, “Ee.”] Seo se e emišitše. Ke a leboga.

<sup>2</sup> Ka kgonthe ke motho wa go ba le monyetla, mosong wo, go tla fa mo sefaleng se, ka morago ga ge mabopaki ao a go hlomphega a neetšwe; go leka go—go bea feela gannyane bontši ka se ba se boletšego, go tliša ditšhegofatšo go rena bjalo ka ge re ipshinne mosong wo. Bjale, ke lemogile ba bangwe ba bona ba be ba le kudu . . .

<sup>3</sup> [Tshepedišo ya PA e hlola go go buša morago. Ngwanešu o re, “Ke nagana re ya go swanela go se bea, se, mo bogareng, Ngwanešu Branham.”—Mor.] Go lokile, mohlomphegi. A seo se kaone?

<sup>4</sup> Le ba bangwe ba monna fa, ka fao ba boletšego, gomme bontšintši yo mongwe le yo mongwe . . . Gabotse, yo mongwe le yo mongwe godimo fa o bile le bja go phadima ka kgonthe, bopaki bja bohlale. Ke leboga bjola bjang, bopaki bjola bjo bokaone go Morena!

Bjale re ya go batamela Lentšu.

<sup>5</sup> Gomme nna, beke ye, ke rerile ka pelong ya ka e sego go swarelela batho diiri tše pedi goba tše tharo, ba dutše, ba ntheeditše. Ke a le botša gobaneng ke—ke dira seo, bagwera. Ga se ka rutega, gomme ke kgona feela go bolela ka tšhušumetšo. Bjale, monna yo a nago le thuto, ge a šušumeditšwe, le yena; eupša o kgona go hlatholla se a bolelago ka sona, ka thuto ya gagwe, a thala mantšu a a tla dirago batho go tseba se a bolelago ka sona. Ntle le thuto, ke swanetše go tsea dika tsa tlhago le go hlagiša ka tšhušumetšo yeo ke nago le yona. Gomme seo se e dira ye thata gabotse, dinako tše dingwe, go batho ka kgonthe go kwešiša. Re hwetša gore ke be ke tshwenyegile ka yona go fihlela ke hweditše ka Beibeleng gore Modimo o dirile ka mokgwa wa go swana, ditsela tša go swana.

<sup>6</sup> Re ela hloko, go swana le Johane Mokolobetši, ge re se na le bohlatse bjo bo itšego bja thuto ya gagwe, gomme ka gona, ge a—ge a etla go tswa lešokeng, o thoma go bolela le—le . . . phuthego ya gagwe, kereke ya letšatši leo. Gomme re lemoga ka fao a e hlagišitšego. O rile, “Lena moloko wa dinoga.” Le a bona, seo ke se a bego a se tlwaetše, tlhago le lešoka; ka mantšu a mangwe, se sengwe seo se lego go thelela le go thedimoša, le go fora. Bjale, monna tsoko yo mongwe a ka be a kgonne go be a tlišitše lentšu

tsoko fase yo a ka bego a rile “baekiši” goba lentšu le lengwe a ka be a le šomišitše go hlagiša seo. Eupša Johane o šomišitše lentšu “noga.” Ke nagana yo mongwe le yo mongwe o kweišitše se a boletšego ka sona.

<sup>7</sup> Kafao ka gona o rile, “Le se ke la thoma go nagana go bolela teng ga lena beng, gore, ‘ke rena ba *ye* gomme ke rena ba *yela*,’ gobane ke a le botša, Modimo o kgona ka matlapa a fa,” le a bona, le a bona, e sego ye nngwe ye kgolo ye nngwe. “Modimo o kgona ka matlapa a.” O e hlagišitše ka tlhago.

<sup>8</sup> Gomme, gape, “Selepe se beilwe modung wa mohlare.” Ngwanešu tsoko wa go rutega wa go loka, ka tšhušumetšo yela ya go swana, a ka be a rile, “O tla fedišamoka.” O rile, “Selepe se modung wa mohlare.” Seo se a o fediša, go le bjalo, le a bona, kafao o—o tsebile gore e be e le. O be a no ba le ditlhagišo tše, ka gore mohlomongwe ga se a ke a ba le sekolo se se itšego.

A re inamišeng dihlogo tša rena feela nakwana.

<sup>9</sup> Ke na le dikgopelo mo tša thapelo. E lego, bjoo ke bodiredi bja ka, go rapelela balwetši. Ke na le dikgopelo tše dingwe ka mo, dikgopelo tše dingwe tša go ikgetha kudu. Gomme ke a tseba go na le tše ntši ka mo. Gomme ge go na le ba bangwe, mosong wo, bao ba ka ratago go gopolwa? Gabotse, ge o ka no phagamišetša diatla tša gago godimo go Modimo, wa re, “Ke . . .” Bjale e no swara dikgopelo tša gago ge re rapela.

<sup>10</sup> Tate wa rena wa Legodimong, bjale re batamela Bokgethwa bja Gago, ka Leina la Ngwana yo Mokgethwa wa Gago, Morena Jesu, go kgopela kgopelo ye, go yo mongwe le yo mongwe wa batho bao ba ngwadilego dikgopelo tša bona, gore ke na le yona fa ka seatleng sa ka. Gagolo yo moswa wa ngwanešu, morwedi yo mobotse yo a kgeigilego godimo ka go kotsi yela. Ke rapelela ngwana yola, Morena. Gomme ke rapelela dikgopelo tšohle tše dingwe. Le tše, e lego sephiri go rena bjale, feela go yo motee yo a phagamišitšego seatla sa bona; eupša Wena o Modimo mohlokamagomo, gomme O tseba maikešetšo a mangwe le a mangwe le dikgopelo tšohle tša rena. Re a rapela gore O tla araba. Gobane O e tshepišitše, re a e dumela.

<sup>11</sup> Gomme re a kgopela bjale gore O tla tše, mantšu a se makae a ao re tla a balago, le go a šušumetša go rena, Morena, ge re letetše go Wena. A nke Moya wo Mokgethwa o batamele kgauswi le yo mongwe le yo mongwe, le go utolla go rena tlhathollo ya Lentšu. Ka gore re e kgopela Leineng la Jesu. Amene.

<sup>12</sup> [Ngwanešu o re, “Ngwanešu Branham, a re ka dira tekogomme re bone ge eba e tla šoma?”—Mor.] Ee, mohlomphegi, ngwanešu, e no ithuša wenamong. Seo se lokile. Ge ke sa phetla bjale, ke na le . . .

<sup>13</sup> Go be go le ke kgona go elelwa Mangwalo a ka le dilo, ntle le go ba le n—n nnoute, eupša ge e sa le ke feta masomepedi tlhano,

seo ga se šome gabotse kudu. Ke swanetše go e elelwa ka go e ngwala. Bjale re ya . . .

<sup>14</sup> A seo se kaonana? A le kgona go kwa seo bokaone? Aowa. Ka morago, ba šikinya dihlogo tša bona. Mohlomongwe . . . [Ngwanešu o re, “O swanetše go ema thwi ka pele ga sona.”—Mor.] O swanetše go ema . . . [“Thwi ka pele.”] Nnete. Gomme se se tla ba bjang ka mokgwawo, le kgona go kwa seo? Go reng ka seo, seo bokaonana? Gabotse. Seo se lokile.

<sup>15</sup> Bjale ke duma go biletša šedi ya lena go—go Jesaya 42:1-7, le gape go Mateo 4:15-16.

*Bonang mohlanka wa ka, yo ke mo phagamišago; mokgethiwa wa ka, yo soulo ya ka e mo thabelago; Ke beile moyā wa ka godimo ga gagwe: o tla tliša kahlolo go Bantle.*

*A ka se goelele, goba go phagamiša, goba go hlaboša segalontšu sa gagwe go kwewa mo mokgotheng.*

*Lehlaka le le thokgegilego a ka se le robele sa ruri, . . . lebone le le kunyelelago a ka se le timele ruri: o tla tliša kahlolo go ya therešong.*

*A ka se lape le ge e le go nolega moko, go fihla a beile kahlolo go lefase: gomme dihlakahlaka di tla letela molao wa gagwe.*

*O rialo . . . mo MORENA, yo a hlotšego magodimo, gomme a le phurulla; yo a adilego lefase, le seo se tšwago go lona; yo a fago borotho go batho godimo ga lona, le moyā go bona ba ba sepelago ka go lona:*

*Nna MORENA ke go biditše ka toko, gomme ke tla swara seatla sa gago, . . . ke tla go boloka, le go go fa bakeng sa kgwerano ya batho, bakeng sa seetša sa Bantle;*

*Go ponyolla . . . mahlo a difofu, go ntšha . . . bagolegwā go tšwa dikgolegong, le bona ba ba dutšego ka leswiswing go tšwa . . . ntlong ya kgolego.*

<sup>16</sup> Gomme bjale ka go Mokgethwa Mateo 4, go thoma ka temana ya 12, re bala se.

*Bjale ge Jesu a kwele gore Johane o lahletšwe ka kgolegong, o ile a ya ka Galelia;*

*. . . go tlogeng Natsaretha, o tlide le go dula ka Kaperenaume, yeo e lego godimo ga leši la lewatle, la mellwane ya Sebulone le Nafutali:*

*Gore go phethagale se se boletšwego ke Jesaya moprofeta, a re,*

*Naga ye Sebulone, le naga ya Nafutali, ka tsela ya lewatle, mošola wa Jorodane, Galelia go Bantle;*

*Batho ba ba dutšego leswiswing ba bone seetša se segolo; le go bona bao ba dutšego mathokong a meriti ya lehu ba hlabetšwe ke seetša.*

*Go tloga nako yeo Jesu o thomile go rera, . . . a re, Sokologang: gobane mmušo wa legodimo o batametše.*

<sup>17</sup> Morena a šegofatše Lentšu la Gagwe! Bjale sehlogo sa ka mosong wo ke: *Gotetša Seetša*. Gomme feela ka pela ka mo ke kgonago, gore le kgone go tšwa bakeng sa peelano ye e latelago bjale, ye e tla bago ka go e ka ba metsotso ye masomenne tlhano.

<sup>18</sup> Le a tseba, Mna. Mc Anally, ke a nagana o gona. Ke bone theraka ya gagwe ka ntle. Nako ye nngwe ya go feta, re be re dutše, le lengwe la maeto a ka a mathomo fa go ya Arizona, go ya go tsoma. Re be re dutše ntle mo kgauswi le Thaba ya Tumelokhwele. Ke be ke kwele ka yona nako ye telele, gomme ke kwele bontši bja dinonwane tše di boletšwego ka Tumelokhwele. Ke elelwa ke e lebeletše, lekga la mathomo; e bile pele ga letšatši, gomme moriti wo mogolo wa moyo a lekeletše ka bohlabela bja ka, wo o bego o tsebja bjalo ka Tumelokhwele. Ke be ke kwele ka Maindia, ka fao ba bego ba sa ye kgauswi le yona, ka fao ba bego ba boifa, ka fao Maspain a ba tšhošitšego ka matšatšing a pele ge ba be ba tsoma gauta. Ba tteleimile gore meoya ye mebe e phetše ka go yona. Sohle se se huduile go nyankolla ga ka. Eupša ke be feela ke na le thotšhe, go bona Tumelokhwele, pele.

<sup>19</sup> Gomme ka gona ke šeditše go fihla, morago ga lebakana, bogoši bja letšatši bo thoma go sepela godimo ga leswiswi. Gomme ge le dirile, le arogantše leswiswi go tloga go seetša, gomme la pitlaganya leswiswi morago. Mafelelong, o ile a hlatlogela go mabogodimo a gagwe, godimo bokagodimo ga ntlhora ya thaba, gomme e be e laetsa Tumelokhwele feela se e bego e le sona. E goteditše le go laetsa se e bego e le sona. Le dipoko tšohle le dipoiifo tše ke bilego natšo tša Tumelokhwele, ge letšatši le be le phadima ka maatleng a lona godimo ga yona, tšohle di timeletše.

<sup>20</sup> Letšatši ke kgoši ya dietša tšohle mo lefaseng le, ka go dietša tša tlhago. Ga go kgathale ke bontši gakaakang seetša sa maitirelo re ka bago le sona, le ke bontši gakakaang bja mahlasedi a mohlagase re ka kgonago go a tšweletše; ge letšatši lela le hlabi, tšohle ka moka ga tšona di a fifala.

<sup>21</sup> Seo ke selo sa go swana se lego ka Lentšu la Modimo. Ge Lentšu la Modimo le tsoga, ditumelokhwele tšohle, bohlanya bja kerekeleina le dilo, di a šwalalana, gomme se e bontšha feela tlwa se e lego. Modimo, mo mathomong, o rile, "A go be le seetša." Seetša se tla feela, Seetša sa therešo, Seetša sa kgoši, se tla ka Lentšu la Modimo. Modimo o arogantše seetša go tloga go leswiswi, mo mathomong. Gomme Lentšu la Modimo, le

dirilwe go bonagatšwa, ka mehla le aroganya Seetša go tloga go leswiswi.

<sup>22</sup> Batho ba ka kgona go tsoga ka *se, seo*, goba *se sengwe*; diism di ka kgona go tsoga, Bokomonisi, Bofasci, le diism tšohle tše dingwe di ka kgona go tsoga; ditumelokhwele, ditumelothoko, e ka ba eng e ka bago, di ka no tsoga. Eupša ge Seetša sela sa kgosi sa Beibele se emeleta, ditumelokhwele tšohle le dilo . . . Eupša, le a bona, re a tseba e gona, eupša go fihla E hlatselwa, e netefatša Seetša sa Yona; gona ga re ne tokelo go nganga kgahlanong le Leo, gobane Le tswalela seetša se sengwe sohle ka ntle. Jesu o rile, “A nke lentšu la motho yo mongwe le yo mongwe e be maaka, gomme la Ka e be Therešo.” Lentšu la Gagwe le ka godimo ga mantšu ohle a motho, godimo ga tšohle, e ka ba eng. Lentšu la Gagwe ke Seetša.

<sup>23</sup> Gomme re a tseba gore mathomong go swanetše go ba go bile kgudi le leutu le leswiswi, ge lefase le be le dikologa, gomme ge Modimo a tsebile gore O be a hloka seetša. Bjale, peu ya Gagwe e be e šetše e le ka lefaseng, gobane O be a e bjetše fale. Bjale O be a hloka seetša go tliša peu yeo, go dira peu yeo e phele, gobane peu e be e šetše e le fao.

<sup>24</sup> Go no swana le ge go le ka go lebaka le lengwe le le lengwe, Modimo o re boditšepele se se tla diregago ka go lebaka le lengwe le le lengwe. Selo se nnoši A se hlokago ke ponagatšo ya Seetša sa Modimo godimo ga Lengwalo leo, go le dira le phelele lebaka leo. Feela . . . . . Gomme e tla e dira ge feela Seetša se ka kgona go fihla go Lentšu. Ge Lentšu le medišwa, Le tla le dira le phele ge e le tshepišo ya letšatši leo.

<sup>25</sup> O ka no bjala korong ka nako e tee, goba thoro ka nako ye nngwe. Tše dingwe di tla ka go nokologa go feta tše dingwe, gobane go ya ka sehla.

<sup>26</sup> Lentšu la Modimo le tla ka sehla, molao le mogau, le go ya pele, bjalo ka ge re ile pele go theoga go kgabola mabaka. Gomme, nako le nako, e gotetšwa ke ponagalo ya Seetša se se phatlalatša bo-bo Bophelo bjo bo lego ka go Peu.

<sup>27</sup> Ka Lentšu la Modimo, letšatši le a phadima lehono, gobane lona letšatši le re ipshinago ka lona ke Lentšu la Modimo le dirilwe go bonagala. Sona seetša se sa letšatši seo re se bonago ka ntle ga se selo eupša Lentšu la Modimo, ge A rile, “A go be le seetša.”

<sup>28</sup> Gomme go ka reng ge nkabe A rile, “A go be le seetša,” gomme go be go se seetša? Gona e be e se Modimo a boletšego. Ge Modimo a re, “A go be le,” fao go tla ba. Gomme kafao re hwetša gore letšatši leo bjale re ipshinago ka lona ke ponagatšo ya Lentšu la Modimo le boletšewgo ka go Genesi.

<sup>29</sup> Gomme re lemoga gore Seetša sa Modimo sa letšatši ke Morwa wa Gagwe. Yo motee o be a le l-e-t-š-a-t-š-i; yo motee yo ke M-o-r-w-a. M-o-r-w-a ke Beibele. O be a . . . “Mathomong go

be go le Lentšu, Lentšu le be le le go Modimo, gomme Lentšu e be le Modimo." Bahebere 13:8, "O a swana maabane, lehono, le go ya go ile." Ke Lentšu la Modimo, ka mehla. E be e le Kriste ka go Noage. E be e le Kriste ka go Moshe. E be e le Kriste ka go Dafida yo a lebeletšego godimo, bjalo ka kgoši ye e gannwego, godimo ga toropokgolo; moo, mengwaga ye makgolo seswai moragorago, Kriste o dutše fale a lla godimo ga toropokgolo, a le Kgoši ye e gannwego, feela boka Dafida a bile. Ka mehla ke Moya wa Kriste. Gomme ponagatšo ya go tlala ya Lentšu la Modimo e dirilwe go tsebja ka Jesu Kriste, Moya wa Modimo.

<sup>30</sup> Ga go bophelo bjo bo ka tlago ka ntle ga seetša. Seetša se a tšweletša; seetša se tšweletša bophelo. Go ka se kgone go ba bophelo—bophelo ka ntle ga seetša, tlhago goba semoya. Go swanetše go ba.

<sup>31</sup> Gomme Seetša se nnoši se ka tla ka Lentšu la Modimo. Lentšu la Modimo ke Seetša ge Le bonagatšwa. E no ba Peu e robetše mo, bjalo ka ge Modimo a bjetše dipeu tšohle.

<sup>32</sup> Mebele ya rena e be e le lefaseng pele... gabotse, gabotse, pele go be go ka ba seetša mo, bophelo bofe kapa bofe mo, goba e ka ba eng; khalesiamo, photaše, petroleamo, le seetša sa khosimiki, eng kapa eng, se bego se le mo—se bego se le mo ge Modimo a hlotše lefase. Go tšere feela Lentšu la Gagwe le le boletšwego go le tliša go beng gona, go no swana le ge o dirile bophelo bja dimela, goba bophelo bja mohlare, eng, goba bophelo e ka ba bofe bo lego gona.

<sup>33</sup> Ga go selo se ka phelago, sa tlhago goba sa semoya, ntle le Seetša sa Gagwe, gomme Lentšu la Gagwe ke Seetša le Bophelo.

<sup>34</sup> Eupša ge A romela Seetša sa Gagwe le go Se dira se tsebje go batho, gomme ka gona Se gannwe, gona go reng ka seo? Seo ke se re nyakago go bolela ka sona mosong wo, ke: go gana Seetša se, ka bona Se rometšwe go bona, go gana feela boka go bile nako yela. "Bonang mohlanka wa Ka, Yo Ke mo thabelago." Yena ke Seetša go Bantle. Yena ke Seetša go lefase. O be a le Seetša sa lefase, eupša O gannwe. Yeo ke karolo ya go nyamiša.

<sup>35</sup> Gomme e kopana le seemo seo nako le nako ge Modimo a bonagatša Seetša sa Gagwe, lefase ka bolona le gana seetša sela. Gobaneng? Go ngwadilwe thwi ka Beibeleng. Lebaka le lengwe le le lengwe, Modimo o abetše bontši kudu bja Lentšu la Gagwe go lebaka le lengwe le le lengwe, gomme ka mehla O romela yo mongwe go bonagatša Lentšu leo.

<sup>36</sup> Jesu o profetilwe lebaka la mengwaga ye dikete tše nne, gore O tla tla, Mesia. Gomme ge A etla, O bonagaditše tshepišo ye nngwe le ye nngwe ya Mesia. Eupša go le bjalo batho ba lefase, dikereke, le go ya pele, ga se ba ke ba tseba selo ka Yena, kafao, ka gobane ba be ba šetše ba tsene ka go selo tsoko se sengwe seo se ba paledišitšego kgole go se tsebe Se. Bjale go ka reng ge mo—mo monna feela . . .

<sup>37</sup> Re tla tsea karolo ya tlhago. Go ka reng ge monna, yo a tswetšwego mo go sepela ka seetšeng sa letšatši leo, se Modimo a mo hloletšego, gomme, selo sa pele le a tseba, o tswalela mahlo a gagwe, o kitimela ka lebatong la ka fase, o tswalela mojako, o goga go theoga moriti, gomme o no gana go lemoga gore letšatši le hlabile? O gana menyetla ya lona. O gana mahlasedi a lona a go huthumatša, mothopo wa lona wa go fa bophelo. O gana seetša gore se phatlalale gore a kgone go bona moo a yago, moo a tšwago gona. O gana seo. O be o tla reng go monna yo a gogetšego tlase meriti, goba go kitimela ka lebatong la ka fase gomme a tswalela seetša sohle go tloga, mo gohle, gomme ga bonolo go no gana go lemoga gore letšatši le be le hlabile? Go na le se sengwe sa phošo ka monagano ka motho yoo. Yo mongwe le yo mongwe o tseba seo. Monagano wa tlhago o tla go botša gore fao go na le selo se sengwe se se fošagetšego ka motho yoo, gore o gona, o—o... Sengwe se mo diragetše. O lahlegetšwe ke mabaka a gagwe.

<sup>38</sup> Gabotse, go bjalo mo diiring tseo re di phelago, ge monna a tla ikhupetša yenamong ka mohuta tsoko wa—wa boitshwareletšo, gabotse go lemoga Seetša sa Ebangedi bjalo ka ge Se phadima pele bjalo ka ge Se le lehono. Ge motho ka boomo a retologa go tloga go Sona, a eya ka go se sengwe gomme a gogela garetene fase, a re, “Ga ke Se dumele,” go ne se sengwe sa phošo ka motho yola. Go no se be tsela ya go e rarela. Go ne se sengwe sa phošo. Sengwe se mo diragetše. Gomme re hwetša gore go na le se se bjalo, se sekaalo sa seo lehono.

<sup>39</sup> Bjale, Jesu o be a le mabopaki a baprofeta bohole ba šušumeditšwego. Gomme sohle seprofeto sa bona se tlišitšwe go Seetša ka lebakeng la Gagwe, seo se profetetšwe lebaka la Gagwe. O gotteditše kerese ye nngwe le ye nngwe ya Lentšu ye e bego e le ka Beibeleng, ye e profetilwego ka Yena. “Kgarebe e tla ima.” O dirile. Go lokile. “Leina la Gagwe le tla bitšwa Moeletši, Mokgoma wa Khutšo, Modimo yo Maatla, Tate wa Gosafelego.” O be a le. “Gomme mahlo a difofu a tla bona.” Ba dirile. Se sengwe le se sengwe seo se profetilwego ka Yena, se diregile ge A etla lefaseng.

<sup>40</sup> Gomme gobaneng batho ba se ba kgona go bona seo, seo e bile... Go bonala go se tlwaelege go rena bjale, ka baka la gore re lebeletše morago go kgabola seipone sa go bona sa morago. Eupša a o kile wa tseba, ge o tšwelapele o lebeletše morago ka tsela yela, o tla šogagana? A re lebeleleng se se lego pele go rena.

<sup>41</sup> Seo ke se ba bego ba se dira. Lebaka le ba dirilego seo, ka gore ba be ba phela ka leutung la seetša se sengwe. Fao go be go phela ka leutung la seetša sa letšatši le lengwe.

<sup>42</sup> Gomme seo ke se ke dumelago ke taba le lefase lehono, bagwera, ke ka gobane re leka go phela ka go seetša sa go phadima ka go letšatši le lengwe. Leantu ke seetša sa maaka.

<sup>43</sup> Feela boka miratše mo tseleng. Re ya go theoga tsela le go bona miratše. Ke kelello ya maaka ya letšatši. Gomme ge o fihla kua, ga se ya tšweletša selo eupša se sengwe sa maaka. Gobane, o ka se sepele ka go leutu la letšatši, gobane ke miratše, ka mehla go go bontša se sengwe go sego selo go sona.

<sup>44</sup> Gomme ge batho ba leka go le botša gore Jesu Kriste ga a swane maabane, lehono, le go ya go ile, ba go hlahlela ka go miratše. Yeo ke phetho. Gomme ge o tsena ka kerekeng le go tšoena kereke, thutotumelo tsoko ya go tonya goba se sengwe boka seo, ga go na selo fale, go se fete seo o bilego le sona ka lefaseng.

<sup>45</sup> A nke ke le botše. Le se gane Seetša sa Ebangedi ya Jesu Kriste, se se tlišago mahlasedi a go huthumatša a Moya wo Mokgethwa godimo ga gago, go go dira sebopiwa se seswa ka go Kriste Jesu. Le se ke la leka go sepela ka go leutu tsoko la lebaka le lengwe. Bjale, leutu leo le ka no ba le be le lokile ka go lebaka le lengwe, le ka no ba le be le lokile go bona.

<sup>46</sup> E netefaditše bjalo ka letšatšing la Morena wa rena Jesu. O be a le Seetša sa Lengwalo sa letšatši leo. O be a le Seetša. O be a se Seetša go fihla A etla lefaseng go hlatsela Lentšu le le tshepišitšwego. Le a tseba, O boletše fale, “Johane o be a le seetša sa go kganya le go phadima, gomme le ratile go sepela seetšeng sa gagwe lebaka la sehla.”

<sup>47</sup> Nnete, ka gobane Johane o profetilwe ke Jesaya, mengwaga ye makgološupa le lesomepedi pele ga tswalo ya gagwe, gore, “Segalontšu sa yo motee se tla be se goelela ka lešokeng.” Gomme ka gona gape Maleaki, wa mafelelo wa baprofeta, mengwaga ye makgolonne pele ga go tla ga gagwe, ka go tema ya 3 ya Mal-... ya Maleaki, o rile, “Bonang, Ke roma motseta wa Ka pele ga sefahlego sa Ka, go lokiša tsela.”

<sup>48</sup> Mo go be go le Johane lefaseng, a dira Lentšu le le ngwadilwego go phela. O be a le lentšu la yo a goelelago ka lešokeng, gomme ka mehla o... gape o be a lokiša tsela pele ga Mesia. Gomme Jesu o rile, “Le ratile go sepela seetšeng sa gagwe, gobane o be a le seetša sela, seetša sa go kganya le go phadima.”

<sup>49</sup> Gomme Johane, o rile, “Bjale ke swanetše go kokobela, seetša sa ka se swanetše go ya ntle, gobane (gobaneng?) ke diretše nako ya ka yeo e profetilwego ka nna. Lena ekwang Yena! Ke Yena. Latelang Yena.” Le phela ka letšatšing leo, le netefaditše se.

<sup>50</sup> Bjale, Bajuda ba naganne gore ba be ba rapela ka go Seetša sa therešo. Ba naganne ba be ba rapela, Modimo yo wa go swana yoo ba bego ba mo hlanogela. Yena yoo ba nagannego gore ba be ba mo rapela, ba be ba mmapola. Ba be ba dira metlae ka yena Modimo, le go Mo dira sesegišwa sa batho, yena Modimo yoo ba nagannego ba be ba mo rapela.

<sup>51</sup> A nke ke bolele se ka tlhomphokgolo le tlhompho, eupša go tliša Seetša, gobane, bjalo ka ge ngwanešu a boletše nakwana

ya go feta, re phela moragorago go feta le nagana re gona. Le lengwe la matšatši a se sengwe se ya go direga, go ya go ba thari kudu. Batho ba tla tsea leswao la sebata, ebile ba sa tsebe se ba se dirago. "Sefofu se hlahlal sefufu, bohole ba wela ka mokoting," Jesu o boletše. Gomme re phela moragorago go feta re nagana. Batho ba bantši ba go botega ba latela seo, ebile ba sa tsebe se ba se dirago.

<sup>52</sup> Eupša iri e batametše bjale ge Seetša se phadima, Seetša sa Ebangedi, ka maatleng a Sona a tsogo ya Jesu Kriste, a iponagatša Yenamong gore Jesu Kriste o a swana maabane, lehono, le go ya go ile. O abetše seo go letšatši le. Dilo tše A di tshepišitšego letšatši le di swanetše go direga ka letšatšing le. Ge kereke e sa Se amoge, Modimo o kgona ka matlapa a go tsošetša Abraham bana. O tla iša Molaetša wa Gagwe godimo, ka gore ka mehla O e dirile. Ka mehla O tla e dira.

<sup>53</sup> Batho ba nagana gore ba sepela ka Seetseng, metlwae ya botate, gomme, selo sa pele le a tseba, ba sepela ka leutung la seetša, e sego Seetša sa go swana, ba ganne sona Seetša seo ba teleimago go se rapela.

<sup>54</sup> Mediro ya Gagwe e hlatseditše Yo a bego a le Yena ka go tsenelela. Jesu o rile, ka Boyena, "Phetlang Mangwalo, ka gore ka go Wona le nagana gore le na le Bophelo bjo Bosafelego, gomme Ke Wona a pakago ka Nna. Ke mang a ka Nkahlolago ka sebe?" O rile, "Ke mang a ka go netefatša gore Ke boletše e ka ba eng, goba ttleime e ka ba efe yeo ke e dirilego, gore Tate wa Legodimong ga se a hlatsela seo ka Nna?" O netefaditše go lena gore O be a le Seetša sa iri, ka gore yohle e profetilwe gore Mesia yo o swanetše go ba ka tsela ye, gomme mo a khukhušetša Bophelong, eupša ditšo tša bona di ba arogantše go tloga go Seetša sa kgontha sa Lentšu.

<sup>55</sup> Bafarisei, Basadutsei, Baherodian, le e ka ba eng e ka bago, ba bile le lefase le hlahnunwe kudu, boka ba dirile mabakeng ohle, gore ba se kgone go bona Seetša sa kgontha. Se foufaditše mahlo a bona. Ba be ba tlwaetše go sepela ka leutung, "Letšatši la go latela e tla ba se, gomme gosasa e tla ba se. Re tla tšoena se, gomme e tla ba seo. Re tla tšoena seo." Re a hwetša ke miratše wa maaka.

<sup>56</sup> Jesu Kriste o no ba kgontha lehono, go pelo ya motho, bjalo ka ge A kile a ba. Maatla a Gagwe le Bogona bja Gagwe bja go phela bo no ba kgontha lehono bjalo ka ge bo kile bja ba. "Bonang, lebakana le lennyane, gomme lefase le ka se Mpone gape. Kosmose, 'tshepedišo ya lefase,' le ka se Mpone gape. Efela, lena le tla Mpona; gobane Ke tla ba le lena, ebile ka go lena, go fihla bofelong bja lefase. Mediro ye Ke e dirago le tla e dira le lena, ebile ye megololwane go feta wo le tla e dira, gobane Ke ya go Tate wa Ka."

<sup>57</sup> Tshepišo ye kgolo yela ke lehono. Lefase le foufetše ka mo le kgonago go ba, eupša go na le “lena ba le tla Mponago,” gomme seo ke se re lekago go se hwetša lehono. Se Ebangedi ya go tlala, e se rago, ke go hlagiša Jesu Kriste ka maatleng a tsogo ya Gagwe, le botlalo bjhohle bja ditshapišo tša Gagwe; gore Moya wo Mokgethwa o bonagatše dilo tše le go di lokiša, gore Modimo o tshepišitše, gomme O tla e dira. Ee, mohlomphegi.

<sup>58</sup> O be a hlatsetšwe ka go tsenelela ke—ke Lentšu le ka mediro ye A bego a e dira, eupša ga go le o tee wa bona a bego a nyaka go e dumela. O netefaditše Seetša sa Gagwe e be e le Lentšu! Lentšu le e boletše, “Phetlang Mangwalo.”

<sup>59</sup> Eupša ditšo tša bona tše ba bego ba phela ka go tšona, leutu la lebaka le lengwe! Ba rile, “Re dumela Moshe; Moshe yo re mo dumelago. Ga re tsebe moo O tšwago gona. O hweditše thuto ya Gago kae? O ka kgona go netefatša gore O Se?”

<sup>60</sup> Mediro ya Gagwe e pakile Yo A bego a le, ge feela ba ka be ba badile Beibebe. Ba be ba E bala, eupša ba be ba sa kgone go E bona. “Mediro ya ka e a Ntsebiša.”

<sup>61</sup> Motho o tsebjia ka ditshwanelo tša gagwe, ditshwanelo tša Lentšu la Modimo, ge a romilwe ke Lentšu la Modimo le ka Lentšu la Modimo. Go swana ka go lebaka le lengwe le lengwe! Ka mehla go bile.

<sup>62</sup> Re ka se kgone go phela ka seetša sa maabane. Seetša sa maabane ke histori. Ga re tsebe selo ka sona. O ka se hwetše borutho lehono ka letšatši le le phadimago maabane. Seo ke se e lego bothata ka dikereke lehono. Seo ke se e lego bothata ka batho, ba leka go phela ka se se diregilego maabane. O ka se ruthele ka mollo wa go pentwa. Ka kgonthe aowa, ga o na phišo ka go wona. Letšatši la maabane ga le na phišo ka go lona.

<sup>63</sup> Seetša sa letšatši se rometšwe lefaseng, ka tlhagong, go buduša thoro bakeng sa puno ye e batamelago. Letšatši le lengwe le le lengwe le tliša pele letšatši le leswa. Letšatši le le phadimago lehono, le tliša korong godimo, ka Canada; letšatši lela la go swana, gabotse, ge le be le se . . . le be le se sa na letšatši go feta leo, Julae ye e tlago goba Agostose, e ka se tsoge ya buduša thoro. E swanetše go ba ye maatlamaatla le ye maatla kudu, letšatši le lengwe le lengwe e a gola le go butšwa, go tliša thoro.

<sup>64</sup> Bjale ge thoro, ka boyona, ge e thoma go gola, thoro e tla godimo, ge e dula thwi le thoro, e aga feela thoro. Letšatši le lengwe le le lengwe, legapi go e dikologa, ka—ka karolo ya khalesiamo le eng kapa eng e yago ka go yona, le aga thwi ka go thoro, ge letšatši le eba maatlamaatla.

<sup>65</sup> Eupša o tsea letšatši le le phadimago ka Agostose, gomme wa le bea godimo ga korong lehono, le tla e bolaya. Nnete, o ka se kgone go dira seo. E swanetše go tla ka sehla sa yona. Kafao korong le thoro tša Modimo di swanetše go butšwa feela mo sehleng, sehla E lego ka go sona. Eupša letšatši le ka kgona

bjang... Gabotse, korong e tla hwa, dikenywa di tla hwa, ka letšatši le le phelago lehono, le le phadimago lehono, ke ra gore. Puno ye etlago e a butšwa. Thoro e swanetše go gola le seetša.

<sup>66</sup> Eupša selo ke, lehono, thoro ya kereke ga e nyake go gola. Go nyaka go dula boka go bile morago ka go nako ya Moody, Sankey, Finney, Knox, Calvin. Ba be ba lokile, ba be ba le seetša sa iri.

<sup>67</sup> Eupša ye ke iri ye nngwe. Le ke letšatši le lengwe. Ye ke phihlelelo ya Ebangedi; E tla go bogolwane bja yona. Kafao re ka se kgone go phela ka go se Luther a se boletšego, Wesley a se boletšego, goba ba bangwe ba ka moka ga bona. Re phela Seetšeng seo se akanyeditšwegopele go letšatši le. Re ka go lebaka la kereke la bošupa, e segó lebaka la boraro goba la bone la kereke. Thoro e swanetše go kgona go Se amogela. Ge e sa dire, e a wa gomme ga Se re selo go yona. Thoro e godile le Seetša ge e eya pele le Seetša.

<sup>68</sup> Kafao kereke e swanetše go tliša pele borotho bja lebaka le lengwe le le lengwe, bjoo Jesu o laetše, gore, “Motho o tla phela ka Lentšu le lengwe le le lengwe le tšwago molomong wa Modimo.”

<sup>69</sup> Borotho bjo re bo hlokago bo ka Beibeleng. Ke kutollo ye e feletšego ya polane ya Modimo. Ke kutollo ye e feletšego ya Jesu Kriste. Ga re oketše selo go Yona, goba go tsea eng kapa eng go tšwa go Yona; mang kapa mang a dirago, leina la gagwe le tla tlošwa go tloga Pukung ya Bophelo. Ga re nyake dithutotumelo tše di itšego go oketša go Le. Le ngwadilwe feela ka tsela ye Le swanetšego go ba. Ga re oketše selo go Lona, ga re tše selo go tšwa go Lona, re Le rere feela ka tsela ye Le lego, gomme Modimo o gona, o tla le bonagatša. Tshepišo ye nngwe le ye nngwe yeo A e tshepišitšego, O tla e bonagatša feela go swana. Ga ra swanelia go tloša go Lona goba go oketša go Lona. E no Le tlogela ka tsela ye Le lego.

<sup>70</sup> Eupša, le a bona, lehono, re hwetša batho go swana le ge go be go le ka mokgwa wo mongwe ka letšatšing leo kua, ba leka go phela morago ka leutung. Kereke e swanetše go butšwa bjalo ka ge korong e butšwa, “gore motho o tla phela e segó ka borotho feela, eupša ka Lentšu le lengwe le le lengwe la Modimo, Borotho bja Bophelo.” E segó feela karolo ya Mantšu; Lentšu le lengwe le le lengwe la Modimo, lebaka le lengwe le le lengwe! Le se ke la no dula le go ja dinawa le matapola nako yohle. Go na le dilo tše dingwe di yago le yona, ge re eya pele ka go lefelo la go tlala la Matena a magolo a Modimo ao a beilwego pele ga batho ba Gagwe, maatla a Moya wo Mokgethwa, go—go hlalala ga Wona, ga maatla le Moya woo o filwego. “Mediro ye Ke e dirago le tla e dira le lena. Gobane Ke a phela, le tla phela le lena.” Ditshepišo tše Jesu a di dirilego go Kereke ya Gagwe, gomme go le bjalo lehono re hwetša batho ba leka go ya moragorago ka go lebaka le lengwe le le fetilego.

<sup>71</sup> Lebaka la Luther, e be e le lebaka le legolo. O bone go fošagala ga kereke ya Katoliki, o bone selalelo. Gore, moprista yola yo moswa, o bone gore seo se be se fošagetše, “e be e se mmele wa kgonthe wa Kriste,” e be e le seripa sa borotho seo—seo ba se šegofaditšego. Gomme o bone gore, “beine e be e se Madi a kgonthe,” eupša e emetše Madi. Kafao o gwabetše selo gobane iri ya nako yeo e be e le gona. Gomme ga go kgathale ke baprista ba bakae ba bilego le bona, lee ka ba eng gape ba bilego le yona, Modimo o swere motho yoo a kgonnego go dira seetša se phadime. Amene. O amogetše, “Tokafatšo ka tumelo,” gomme o dirile seetša sa lebaka la Lutheran go phadima. Ka morago ga ge seo se tlide mmogo, seo se phetšego nako ya sona.

<sup>72</sup> Go tlide nako ye nngwe gore kereke e tloge go tšwa dibeng tša yona, gomme ya hlwekišwa. Go latela gwa tla John Wesley, monna yo monnyane wa Moanglican go tšwa godimo ka Engelane fale, yo e bego e le wa kereke ya Anglican, eupša o bone seetša go Ebangedi. E bile iri go Lebaka lela la Filadelifia go tla pele. Gomme ge a dirile, o rerile mediro ya bobedi ya mogau, tlhwekišo ka Madi a Jesu Kriste. Go be go se selo se bego se ka kgona go ema ka seetšeng sa sona. O be a tšewa go ba lehlanya go no swana le ka fao Luther a bego a le ka gona, eupša o gwabetše tšohle ka moka ga tšona di bego di le, gomme o phadimišitše seetša, gobane e be e le seetša sa iri. Modimo o hweditše monna, John Wesley, yo a be a ka kgona go gotetša seetša.

O hweditše go... gomme gape le Luther, yo a goteditšego seetša sa lebaka lela.

<sup>73</sup> Morago go latela gwa tla baena ba Pentecostal. Ba tla morago ka go lebaka la bona, la pušetšo ya dimpho, go bušetša dimpho morago, tša go bolela ka maleme, dimpho tša phodišo, le dilo go kereke. Bjale, ba dirile feela tlwa se Lengwalo le rilego ba tla se dira, gomme, ge ba dirile, ba e bonagaditše. Yeo ke nnete tlwa.

<sup>74</sup> Eupša a le lemogile re sepeletše pele go tloga go seo? Re ka go nako ya Monyalwa, nako ya go hlaola, nako yeo (Monyalwa) ba rilego re tla ba le yona. “Phatakalala yohle e tlogile,” go boletše Joele 2:28, “tšohle phatakalala e di tlogitšego, di—di jelwe ke mogokong; gomme tšohle mogokong o di tlogitšego, tšie e di jele.”

<sup>75</sup> Wo mongwe le wo mongwe wa mekgatlo yela, ge o badile Mahuto a Supago a Beibele, yo mongwe le yo mongwe wa bampshafatši bale o ile pele le go rera Lentšu, eupša a tlogela se sengwe. Ka gona ba dirile eng ka morago ga bampshafatši ba fetile, gomme seetša sa thoma go fifala? Go na le gore ba sepelele pele ka Seetšeng sa go ya pejana, ba e kgatlofaditše. Gomme ge ba e kgatlofaditše, “Re dumela Seetša se. Se ke Seetša! Se ke Sona.” Ba dirile eng? Wesley o tlide thwi pele gomme a sepela go tloga go bona.

<sup>76</sup> Wesley o dirile eng? O kgatlofaditše ka morago ga gagwe, le ngwanabo—ngwanabo, John le—le Charles, gomme mmogo gwa tla Asbury le bale, gomme, ka morago ga matšatši a bona, ba kgatlofaditše se se biditšwego kereke ya Methodist. Ba dirile eng? Ba ganne Seetša sa kgojana. Ba nno re, “Se ke Seetša. Se ke Sona.”

<sup>77</sup> Morago go tla Mapentecostal le go ba bontšha, gore Modimo o sa romela tlase kolobetšo ya Moya wo Mokgethwa. O sa tliša fase maatla a Gagwe a phodišo, ao ba a gannego. Ba dirile eng? Ba sepetše thwi go tloga go bona, gobane e be e le seetša se sengwe.

<sup>78</sup> Ke eng bjale? Re fetile go dikologa mengwaga ye masometshela, Mapentecostal ba kgatlofaditše, “Ke rena *se*, ke rena *seo*,” gomme Modimo o sepetše thwi go tloga go yona; ntle ka kua, le go tliša pele Monyalwa, Mokgethiwa, go tšwa go sehlophala sela. E lego, fao go ka se tsoge gwa ba lebaka le lengwe la kereke. Lebaka la Kereke la Filadelefia e be e le Wesley. Gomme Lebaka la Kereke ya Laodikia ke mokgatlo wa Pentecostal, wo ohle o yago thwi ka go leswao la sebata. Yeo ke Beibebe, bjalo ka ge ngwanešu yo a be a bolela dinakwana di se kae tša go feta. Yeo ke therešo. Nnete. Yona ke, mekgatlo yohle, gobane ba ganne go sepela Seetšeng sa pejana. Ba ikaga bonabeng, le go re, “Re dumela se.” Ge Modimo a dira se sengwe, se hlahllobeng ka Lengwalo.

<sup>79</sup> Bafarisei ba rile, “Re na le Sona.” Basadutsei ba rile, “Re na le Sona.” Eupša Modimo o bile le Sona! Modimo o notlollotše sekgonyo le go bontšha Seetša. Se gannwe boka Se bile ka mehla.

<sup>80</sup> Kereke ya Katoliki e ganne Luther. Wesley o ganne Luther. Gomme kafao gape Pentecostal e ganne Wesley.

<sup>81</sup> Gomme Moya wo Mokgethwa lehono o gana Mapentecostal. Le no ba female le go tonya boka ka moka ga bona. Yo mongwe le yo mongwe o kgona go bona seo. Ke a le rata. Le selo sa kgauswiuswi se lego gona go Beibebe, ke tsebago ka sona, ke ka baka leo ke nago le lena. Eupša, theetšang, bulang mahlo a lena gomme le bone letšatši le re phelago ka go lona! Ke nako ya sekgonyo go retologa gape, le Seetša go tla godimo, go tšeа Mohlare. Beibebe e boletše, ka go Maleaki 4, “O tla romela pele le go bušetša gape Tumelo ya setlogo ye e bego e na le batho.” O e tshepišitše. Ka mehla O e dirile. O rometše Lentšu la Gagwe, gomme baprofeta ba tlide gobane Lentšu le tlide go baprofeta, gomme ba bile le Lentšu gomme ba Le dirile le phele.

<sup>82</sup> Mekgatlo le ditshepedišo tša nako di ba ganne, lebaka le lengwe le le lengwe, kafao ba tla e dira lehono. Modimo o no ba a kgona lehono go tsoša motho bjale bjalo ka ge A bile nako yela. Ga se nke A tsoša mekgatlo. Botšiša rahistori e ka ba mang, lebelela go kgabola histori; ge mokgatlo o kgatlofaditšwe,

o hwile fale gomme ga se nke wa tsoga gape. Modimo o bolela le batho ka batho. Nnete.

<sup>83</sup> Gomme Modimo o tshepišitše go e dira gape mo matšatšing a mafelelo, le gore O tla dira. Se Modimo a se tshepišitšego, gore O tla se dira, go gotetša Seetša se se ka kgonago go hlatsela Mangwalo a a tshepišitšwego a lehono. Jesu o rile, “Bjalo ka ge go bile ka matšatšing a—a Loto, kafao go tla ba ka go tleng ga Morwa wa motho.” Le a laetša, le bona se ba se dirago. Lebelelang Jehofa, se A se dirilego, Tate wa rena o beile se sengwe le se sengwe ka leemong.

<sup>84</sup> Go na le Loto tlase kua ka lefaseng, tlase kua ka Sodoma, le sebe sohle, bolelo. Go na le motseta tlase fale a mo rerela, le yena.

<sup>85</sup> Go ne sehlopha sa Abraham, Mokgethiwa, mogogelwa ntle, yena ka tshepišo, a letetše Morwa ka therešo. Loto o be a lebeletše morwa, le yena, eupša e sega ka lebopo le Abraham a bego a mo lebeletše. Go diregile eng? Feela pele e direga, Modimo o tlide fase gomme a iponagatša ka Boyena ka nameng, gomme a bega gore O be a le Lentšu, ka gore, “Lentšu la Modimo ke le bogalegale go feta tšhoša ya magalemabedi, le mohlathi wa dikgopololo tše di lego ka pelong.” Jesu o rile, “Go tla ba bjalo gape, mo go tleng ga Morwa wa motho.” Ditshepišo tše ke tše Kgethwa, di boletswe ke dipounama tša Jesu Kriste. Bobedi magodimo le lefase di tla šitwa, eupša Di ka se tsoge tša šitwa. Modimo o sa kgona ka matlapa go tsošetša Abraham bana. Oo, ee!

<sup>86</sup> Re mo leetong la rena, re se sengwe boka Israele e bile. Israele, leetong la bona, ba ile ba swanelwa ke go hwetša mana a maswa letšatši le lengwe le le lengwe, ka gore mana a maswa a wele. Ga ra swanela go phela ka go seetša sa Luther, go phela ka go seetša sa—sa Wesley, goba go phela ka go seetša sa Pentecost. Re ka go lebaka le lengwe, Mana a maswa.

<sup>87</sup> Go diregile eng ge ba lekile go boloka mana ale? A tšhilafaditšwe. A be a tla ba bolaya. Ke ka baka leo re hweditšego ba bantsi ba go hwa semoyeng, ba ba bitšwago Bakriste. Ba ja leutu la letšatši le lengwe. Ba ja mana ao a šetšego a tšhilafaditšwe. Go no swana le legapi godimo ga korong, ge le sa ye ka go korong, le tloga go korong. Gomme ge Seetša se gannwe, ga go eupša selo se tee go dira, se fetogotše go leswiswi. Karolo efe kapa efe ya bošego, e ka ganago go bona Seetša, e boela morago ka leswiswing. Kafao go e dira ka go Ebangedi, ka go lebaka le lengwe le le lengwe go netefaditšwe go ba bjalo. Re phela ka go nako yeo.

<sup>88</sup> Mana a maabane a tšhilafetše. Ke kwa batho ba re, “Mengwaga ye masomenne ya go feta, ke dirile *bjalo le bjalo*.” Yeo ke nnete, eupša go reng ka lehono? Go reng ka kereke e tuka? Re bolela ka maabane, go reng ka kereke lehono? Go reng ka wena bjalo ka motho ka motho lehono? Ka gore, maabane e ka se dire go lehono. E be e lokile maabane.

<sup>89</sup> Molaetša wa Luther e be e le seetša sa iri, go swana le wa Johane ge o bile, eupša fao go tsogile seetša se segowlane. Ka fao Luther o be a le seetša se segolo, gomme re ipshinne ka yena lebakana, eupša gwa tla seetša se sengwe seo se tswaletšego sa gagwe. Se se swanetšego go be se dirilwe e be e le go tswakana le Lona; gomme Le ile pele go llofo ya go phethagala ya Borotho, le ile pele go Mana a go phethagala a Modimo. Eupša ba dirile eng? Ba kgatlofaditše. Motho o tsene ka go yona. Go na le gore Modimo a e etelle pele, monna le ditshepedišo tša gagwe o tsene ka go yona, o e foufaditše.

<sup>90</sup> Oo, Mohlare Monyalwa wo lehono, o thenetšwe. Lekala lefe kapa lefe le le sa enywego kenywa le thenetšwe. Jesu o boletše bjalo, Mokgethwa Johane 15. Go diregile eng bjale, re bona gore a ripilwe, ba thenetšwe.

<sup>91</sup> Elelwang, yona pelo ya mohlare e thwi ka bogareng bja mohlare. Kenywa ka mehla e tla budušwa, lefelo la mafelelo mohlare o tla tsogego wa enywa kenywa, ke thwi ka ntlhoreng ya wona, gobane ke bonanana bjoo bo tšwago bogareng bja bophelo bjoo bo lego ka go peu.

<sup>92</sup> Ke Mohlare Monyalwa. Jesu o be a le Monyalwa, O be a le Mohlare. Ba Mo ripetše fase. O be a le Mohlare wa Bophelo woo o bego o le ka serapeng sa Edene. Ba Mo ripetše fase le go Mo lekeletša godimo ga mohlare wa Roma, go dira metlae ka Yena. O dirile eng? Modimo o Mo tsošitše ka letšatši la boraro, go tšwa bahung. Gomme lehono go ne Mohlare Monyalwa; O thomile morago kua mathomong, tsela morago ka Letšatši la Pentecost.

<sup>93</sup> Theetšang, lena batho ba le lego ba kereke! Kereke ga se nke ya thoma ka Nicaea, Roma. E thomile ka Jerusalema, ka Letšatši la Pentecost, go thomile Kereke. Morago ba dirile eng? Ba no tšwela pele ba kgatlofatša; gomme Modimo o tšwela pele a ripa go tloša makala. Ka gona ba kgatlofatša Lutheran; o ripile makala. Wesley; o ripile makala go tloga. Pentecost; o ripile makala. Go fihla a etla . . .

<sup>94</sup> Eupša Modimo o ya go ba le Mohlare Monyalwa! “Tšohle tše bojane bo di jelego le phatakala e di jelego, Ke tla bušetša,” go rialo Morena. Maleaki 4 e re botša re tla tlišwa morago go Tumelo ya setlogo boka e bile ka Letšatši la Pentecost, “Tumelo ya botate.” Re a dumela gore e tla tla. Ke a dumela ke nako ya yona bjale. Makala a ponne le go omelela, gomme ba tla be ba a tše go tšwa Mohlareng, gore kenywa e kgone go itšweletša ka boyona thwi ka ntlhoreng ya Mohlare. Oo, nna!

<sup>95</sup> Dietša tšohle tše di lokile. Kereke lehono ke seetša sela hlakanya le se se amogetšego lehono. Ke go fetša puno. Ge re hwetša, gore Mohlare ka bowona, goba . . . Korong e swanetše go gola le Seetša, e itsoša ka boyena go tšwa go tsebjana go ya go thoro, gomme go tloga go thoro go ya pele. E dula le Seetša. Seetša sa mabaka a mangwe se rwala feela bohlatse bja lebaka

le. Seetša sa Luther se beile bohlatse bja—bja seetša sa Wesley. Wesley o rwele seetša sa Pentecost. Ke seetša sa go swana, se nno lekana ka Seetša. Ge batho ba ka kgona feela go se bona!

<sup>96</sup> Nako ye nngwe ya go feta, ke be ke bala sengwalwa se sennyane, moo kgošigadi ya Engelane, (e sego kgošigadi ye) kgošigadi ye nngwe, o ile go bona khamphani ya pampiri yeo e bego e dira pampiri ye kaone bjalo. Gomme ge a be a botšolliswa ke mopresidente wa khamphani, o mo tšere go kgabola. O be a nyaka go bona ka fao pampiri ye kaone yela e dirilwego. O mo tšere le go mmontšha dingwalwa tšohle tše kgolo le dilo. Gomme ka matšatšing ao, ba dirile pampiri go tšwa go mankgeretla. Gabotse re elelwa seo. Kafao o ile ka kamoreng gomme a bula lebat, gomme go be go se selo eupša mokgobo wa mankgeretla. Kgošigadi, ka go makala, o rile, “Ke eng dilo tše tša ditšhila?”

<sup>97</sup> Monna yo...mopresidente wa khamphani, o rile, “Tše e be e le diaparo, maabane. O a bona, e bile ditšhila. Ga re e lahlele kgole, eupša ke pampiri ya bosasa.”

O rile, “Ga ke kwešiše se.”

O rile, “O tla e kwešiša gosasa.”

<sup>98</sup> Kafao ge ba kitimiša mašela a go kgabola kgatišo, go kgabola molokoloko wo itšego wa tlhwekišo, gomme—gomme selo se se itšego se bego se swanetše go ya go kgabola, tirotšwelopele; ge se etla ntle, e be e le matlakala a mabotse a pampiri. Mopresidente o naganne o tla bontšha kgošigadi se sengwe seo a sa nkago a se tseba. O beile senepe sa gagwe godimo ga yona, gomme a bo pitlaganya ka go pampiri ye botse ye. Ge kgošigadi a e amogetše, o bone senepe sa gagwe mong ka go se e bego e le mašela a ditšhila, maabane, ka gore se ile go kgabola tirotšwelopele ye e itšego.

<sup>99</sup> Oo, ge Luther, Wesley, le bohole ba bona, ba kgonne go bona seo, gore dilo tša maabane di ka kgona feela go šomišwa ge se eya go kgabola tirotšwelopele! Ge Moya wo Mokgethwa o utolla Seetša, go tloga go tokafatšo go ya go tlhwekišo, go ya go kolobetšo ya Moya wo Mokgethwa, gomme bjale iri ya mafelelo ya go Tla ga Kriste; e fihfile ka go yona tlhamego, e sego ya kgošigadi, eupša ya Kgoši ya Legodimo ye e ikemelago ka Boyena, bjalo ka ge kereke e tlide kgauswana go ya ka bonnyaneng, boka bodiredi bo swanetše go ba mohuta wa go swana wa bodiredi bjoo A bilego le bjona.

<sup>100</sup> Bao ba hwilego ka go lebaka la Luther, tlase patogeng ya phiramiti, boka; e sego thuto ya phiramiti, eupša feela bakeng sa mohlala.

<sup>101</sup> Phiramiti yela e phethagetše kudu, ge yo mongwe wa lena a ka be a be a le fao. O ka se kgone go sepediša bogale bja legare, le gatee. Di—di be di se na leraga ka go yona, bokgole bjo re tsebago. Mohlami wa yona o be a le yo mogolo kudu! Bjale, ba lahlegetšwe ke letlapahlogo. Ga ba tsebe moo le lego. Bjale ge

letlapahlogo lela le bowa, le tla no ba boka ka moka ga lona, le tla menaganelo ka gare le letlapa leo le tlogetšwego le butšwe. Ge o ka bea letlapahlogo godimo ga yona, go tla swanelo go ba ka tsela yeo.

<sup>102</sup> Gomme ge Jesu a bowa, O tla hwetša Kereke yeo e hlatswišwego, ntle le sepatso le lengalatsepa, gomme e tla ba bodiredi bja go swana A bilego le bjona. Bo tla buša morago Letlapahlogo.

<sup>103</sup> Boka seatla sa ka fa, mo moriting. Ke moriti, feela ke leswiswiswi go swana le ge seatla sa ka se eba kudu... Ke nekethife *mo*, phosithifi *mo*. Bjalo ka nekethife le phosithifi, e ba bokotwana; leswiswana, leswiswana, leswiswana, gomme mafelelong e phapha mmogo, gomme nekethife le phosithifi di ba setee.

<sup>104</sup> Moo ke ge Kereke le Kriste ba kopana mmogo, bjalo ka Monyalwa, ka Moya wa go swana wo o bego o le ka go Yena o tla ba godimo ga Gagwe; ge Kereke yela e etla go tšwa go tokafatšo, tlhwekišo, kolobetšo ya Moya wo Mokgethwa, go ya ka matšatšing a mafelelo, le go e sesefaletša fase bjale bakeng sa go Tla ga Morena.

<sup>105</sup> Oo, o se be karolo ya makgwakgwa go Lona, ngwanešu wa Pentecostal. Phadima godimo ka Lentšu gomme o dumele nthathana ye nngwe le ye nngwe ya Lona. Le se ye ntle ka go diism tše le dilo, bjalo ka ge re bona di eya pele lehon. Le se ke la makala ka seo, ka gore Letlapahlogo le etla, le a goelela, “Aba, Tate,” gabotse ka pela, “Modimo wa Ka! Modimo wa Ka!” Ee, ke dumela seo ka pelo ya ka yohle.

<sup>106</sup> A le a e bona? Le tseba se ke se rago? Ke Kriste bjale a tšeа mašela a maabane, Lutheran, Methodist, Presbyterian, le go ya pele, gomme O e bea go kgabola tirotšwelopele. Ke mohuta mang wa tirotšwelopele? Tirotšwelopele ya Moya wo Mokgethwa; se ba bilego le sona, hlakanya; go e dira go fihla A gatelela seswantšho sa Gagwe Mong, ge Kereke le Kriste ba eba batee ka kopano. Modimo, e fe! Ke tshepa gore le a e bona. Ge le e bona ... .

<sup>107</sup> E nkgotša kanegelo, gore ge tso—tso tsošeletšo ye kgolo ya Wales e be e kgatlampana. Monna tsoko yo mogolo fa ka setšhabeng o naganne ba tla ya godimo le go bona tsošeletšo ya Wales, se se bego se tla direga. Gomme ge ba ile godimo, go hwetša, ba bona ke moago ofe o swaretšwego ka go ona. Ge ba fihla Wales, ba ile go dikologa, ba thoma go botšiša ka moo moago o bego o le gona. Ba bone moofisiri yo monnyane wa go thaba a eme mo khoneng, a rwele kefa ya gagwe ye nnyane ya tommy, gomme o be a hwidinyetša lepara la gagwe go dikologa le go dikologa ka mokgwa woo. Gomme kafao banna ba ba sepeletše godimo go yena, gomme ba rile, “Mohlomphegi, a o ka mpotša ke moago ofe tsošeletšo ya Wales e swaretšwego ka go ona?”

<sup>108</sup> O rile, “Ee, mohlomphegi, ke nna ona! Ke nna ona!” Gobaneng? O be a tliša pele thabo le Seetša sa tsošeletšo ya Wales—ya Wales ka gare ga gagwe.

<sup>109</sup> Go bjalo le kereke ya Pentecost lehono e swanetše go botšiša, “Jesu Kriste ke mang, wa go swana maabane, lehono, le go ya go ile?” Seetša sa Gagwe sa Ebangedi ya Gagwe se swanetše go be se phadimela pele ka Lentšu la lebaka le, go utolleng Jesu Kriste go setšhaba, feela boka go bile nako yela.

<sup>110</sup> O be a tletše kudu ka tsošeletšo ya Wales go fihla a be a le tsošeletšo ya Wales.

<sup>111</sup> Re swanetše go tlatšwa kudu ka Kriste go fihla re—re Mmona ka maatla a Lentšu la Gagwe ao a abetšwego rena go letšatši le. Baena, le se ke la kobegela ka go dilo tša lefase, le se ke, matshwenyego a ao a le tlošago. Dulang le Ebangedi. Šetšang Lentšu le lengwe le le lengwe! Le se ye morago go se tate tsoko a se boletšego. A re yeng thwi bjale se Jesu a rilego se be se tla direga ka letšatšing le. Ee, mohlomphegi. Re swanetše go ba Seetša sa lebaka le, se bonagatša Ebangedi. Luther o be a le seetša sa gagwe. Wesley ka seetša sa gagwe, Pentecost e be e le seetša sa gagwe. Eupša, re kgojana go rotoga tsela bjale, re tla ka go Monyalwa, re biditšwe ntle, Bakgethiwa. Elelwang, ge o le, o no ba bjalo ka moofisiri yola, o bile le Yona ka go yena.

<sup>112</sup> Elelwang, le ke lebaka la kereke la bošupa, Lebaka la Kereke ya Laodikia. Go ya ka Kutollo 3, ba gana Kriste. Go lebaka le lengwe le le lengwe la kereke leo le boletšwego ka Beibeleng, Lebaka la Laodikia le be le befile go feta go ohle a ona. E Morakete ntle, e Mo ganne, e Mmeile ka ntle.

<sup>113</sup> A le bone ngwedi o fifala, bošegong bjo bongwe, pele mopapa a eya godimo Roma, go tloga Roma go ya Jerusalema? Jerusalema, kereke ya kgalekgale; ngwedi ke sekai sa kereke, ka mehla o bonagatša seetša sa letšatši, ka go se beng gona ga letšatši, gomme o fifetše. Ke thadile yeo godimo ga letlapantsho mo, mengwaga ye meraro goba ye mene ya go feta, le go laetša dikereke, ka go makgolo le dikete tša magae go kgabaganya setšhaba. E be e le eng? Moriti. Lekga la mathomo mopapa a kilego a tloga, go tla morago fa, go tla ka—ka leina la Paul, le go ya pele, o ile tlase go kgabola mafelo ale; a swanela go šegofatša noka, go e tshela, le go ya pele. Noka e—e nyakelang tšegofatšo?

<sup>114</sup> Bothata ke eng ka lebaka le la kereke re phelago ka go lona lehono? A ga le kgone go e bona? Modimo a e bega mafaufaung, a e bega ka go Lentšu la Gagwe, a e bega godimo ga pampiri, a E bega magareng ga batho? A o ka se kgone go bula mahlo a gago le go bona iri? Ba ke bona ba ba pakago Therešo. Se ke Seetša sa iri.

<sup>115</sup> Šetšang mosepelo wo mogolo wa mohlakanelwa, o ya ka go khansele ye godimo kua bjale, o no bopa seswantšho sa sebata, ka go Kutollo 17, tlwa se e rilego e tla se dira. Lena batho ba

Pentecostal le yago go dula go iketla bakeng sa seo le go ya ka go sona? Lebaka la iri ya go gapeletša le tlile.

<sup>116</sup> Bjale ke nako ya go tsoga le go lokiša lebone la gago, le go phadima ka Ebangedi ya Jesu Kriste le Maatla.

<sup>117</sup> Ke a tseba se ke sa go se tume, ge bontši bja bagwera ba ka ba Pentecostal ba dutše le mopapa le dilo, le go re, "Wona maikutlo a semoya." Go mna, ke—ke phošo. E kgahlanong le Beibele. A nke Lentšu la Modimo e be Therešo. Ee, mohlomphegi. Ke nako bjale. Re bona mesepelo ye megolo ye e eya pele ka go... Oo, e lebega botse go leihlo la tlhago, nnete.

<sup>118</sup> Kayafa o be a lebega botse go se a bego a se utolla go baptista, ka letšatšing leo, ka letšatši leo lohle. Eupša Jesu o be a le Seetša seo se bego se dira Lentšu go phela, eupša dikhansele tša bona le go ya pele di foufaditše mahlo a bona go Lona. O rile, "Ba tlogele ba nnoši; sefou se hlahla sefou, bohole ba tla wela ka mokoting."

<sup>119</sup> Re morago go nako yeo gape, banešu le dikgaetšedi. Re morago go iri yela gape. Hlokamelang. Gobaneng? Taba ya go swana.

<sup>120</sup> Re hwetša gore di—di dietša tše kgolo tše tše re phetšego ka go tšona, mo matšatšing a a fetilego, di be di lokile, ga re na le selo kgahlanong le tšona. Eupša, Lebaka le la Kereke ya Laodikia, hlokamelang, elelwang, ke la go ganwa ke Kriste. Gomme seo ke tlwa se e lego bjale.

<sup>121</sup> Khansele ye kgolo ye e sepetše go dikologa, go kopanya Maprotestant ohle mmogo, mosepelo wo wa mohlakanelwa. Gomme e dira eng? E fifatša lona Lentšu, ka bolona, gomme Lentšu ke Kriste. Ba ka dira bjang? Ge, Christian Science, le United Brethren, gomme bontši bja bona batho ka go mekgatlo ye mengwe ye megolo, ba bangwe ba dumela tswalo ya kgarebe, ba bangwe ga ba, ba bangwe ba dumela se le sela. O ka kgona bjang go tšoena wenamong le gosedumele? "Ba babedi ba ka sepelea mmogo bjang ntle le ge ba kwane?" Etšwang magareng ga bona gomme le arogane, gomme le tšee Lentšu le Lekgethwa la Modimo gomme le dule hleng le Lona.

<sup>122</sup> Jesu Kriste o tlamegile go bonagatša Lentšu la Gagwe. Selo se re se hlokago lehono ke go rotoga ga Maleaki 4. Moprefeta yo mongwe o tla tsoga Leineng la Morena Jesu Kriste, gomme o tla tšweletša tlwa se A tshepišitšego go se dira. Ka gona, monna ka bofofu o tla Le tlogela gomme a sepelela thwi ka leswiswing, bjalo ka ge ka mehla ba dirile.

<sup>123</sup> Šetšang bjale, re hwetša, taba ya go swana, gore lehono, gore ba a gana, dikereke di gana Molaetsa, di bapola Lentšu, di tloša Lentšu. Bjale ge o se wa yona, ebile o ka se kgone—ebile o ka se kgone go ba le kereke ya gago. Ba tla e tswalela. O swanetše go tla ka go yona. Ge o sa e dire, o tswaletšwe. Gona go reng ka yona? Oo, emelang Seo se lokilego! Elelwang, ke nako ya go bapolwa gape, go nyakile.

<sup>124</sup> Seetša sa maaka se hlotše bohlakodi bjo bogologolo—bjoo bogologolo lefase le kilego la ba le bjona, ka Engelane, e sego telele go fetile. Bohlakodi bjo bogologolo bjoo bo kilego bja dirwa, bo dirilwe ka seetša sa maaka. Bohlakodi bja ditolara tše milione tše šupago bo dirilwe ka seetša sa maaka seo se nokoloitšego terene, gomme Scotland Yards ga se e kgone go hwetša monna. Ba phomeletše ka yona, go thelela kudu. Seo se be se tsebja bjalo ka bohlakodi bjo bogologolo kudu bo kilego bja dirwa ke bahlakodi, ka tlhagong. Se hlakotše lefase, ka bohlakodi bja yona bjo bogologolo.

<sup>125</sup> Gomme bohlakodi bjo bogologologolo bjo bo kilego bja dirwa go kereke ya Jesu Kriste, bo dirilwe ka seetša sa maaka, leutu la lebaka tsoko le lengwe, le go gana Seetša seo se akanyeditšwegopele go lebaka le. Amene. Seetša sa maaka, leutu la maabane! Le se sepele ka go leutu la maabane. Sepelang ka go borutho bja Morwa lehono. Le se ikgogele fase ka go moriti wa kerekeleina, la re, “Matšatši a mehlolo a fetile.”

<sup>126</sup> Jesu o rile, “Maswao a a tla latela bona ba ba dumelago: ka Leina la Ka ba tla lelekela bodiabolo ntle, ba tla bolela ka maleme a maswa. Maswao a a tla ba latela.”

<sup>127</sup> Ba re, “Go lokile go baapostola; e sego go rena.” Leo ke leutu.

<sup>128</sup> Jesu o rile, “Maswao a a tla latela bona ba ba dumelago, go lefase lohle.” Ee, mohlomphegi.

<sup>129</sup> Bjale bothata ke eng? Go sepela ka go leutu, go hlotše bohlakodi bjo bogologolo, go ntšitše Kriste go tloga kerekeng. Le a bona, Kriste a ka kgona bjang go iponagatša Yenamong ka go Lentšu le le tshepiitšwego lehono, ka thutotumelo tsoko ya go tonya ya maabane? Ga e huthumatše Peu. Aowa, mohlomphegi. Bohlakodi bjo bogologolo bja kereke!

<sup>130</sup> Borutho? Gomme, elelwang, seetša sela sa thutotumelo ya go tonya se ka se buduše Peu ya lehono. Se gana Peu. Ke kgudi ye e lego godimo ga lefase, bokoto. Ke nako ya Modimo go tsoga le go gotetša Seetša gape, go dira Lentšu la Gagwe go phela. Nnete, Seetša! Thutotumelo yela ya go tonya e ka se buduše Thoro. Ka kgonthe e ka se ke.

Gomme, elelwang, tlhabologo e sepetše le letšatši.

<sup>131</sup> Bjalo ka ge ke le boditše mathomong, ke swanetše go šetša diswantšho, ka tsela ye tlhago e kitimago. Ga ke ne thuto go e dira; ga ke e nyake. Bokaone ke be le se ke nago le sona, go feta thuto yohle ka lefaseng. Ke na le Jesu Kriste. Ke Mmona a phela Lentšu la Gagwe thwi go kgabola, gomme seo ke sohle ke hlokago go se tseba.

<sup>132</sup> Gomme ge motho a tswetšwe ka Moya wa Modimo, o tla puruputša Lengwalo go bona ge eba Ke karabo bakeng sa lehono. Karabo ya letšatši ke Kriste. Kriste ke Lentšu. Ge Lentšu le etla bophelong, go laetša Seetša se se tshepiitšwego lehono. Ka go

Lebaka le la Laodikia le leso, feela ba se bakae, “Ba bantsi ba Ke ba amogelago, Ke a ba sola, Ke a ba kgala. Sokologang,” Jesu o rile, “gomme boela morago.” Retologela go Lentšu. Yena ke Lentšu. Etla go Yena. Ee, mohlomphegi.

<sup>133</sup> Šetšang Seetša. Se tšwa Bohlabela, se eya bodikela. Re ka Lebopong la Bodikela. Se bile le magato a mararo, a ga se sa ke? Se bile le magato a mararo. Se kgabagantše meetse, makga a mararo. Go tloga go Paulo, le go kgabaganya Mediterranean, go tla ka Jeremane, Jeremane e gotetše ka Luther; se kgabagantše English Channel, godimo go ya ka go United States gomme bjale... godimo ka go—go Engelane; morago, Engelane, Se tla go kgabaganya Pacific, go ya United States. Gomme o šomile tsela ya gagwe go theoga go kgabola molaetsa wa Luther, pele go theoga go kgabola, go fihla karolo ya mafelelo ya Sona e le mo ka Lebopong la Bodikela gape.

<sup>134</sup> Gomme go tloga go go buduša thoro, go tšwa tsela yohle morago go tloga go Luther, tsela yohle go theoga go kgabola lebaka, e swanetše go ba bottalo bja Ebangedi bjale, Maatla a Modimo go buduša. Seetša se se laeditšwego go kgabola tokafatšo, tlhwekišo, lebaka la pentecostal, se swanetše go buduša Mohlare Monyalwa bakeng sa go Tla ga Morena Jesu Kriste; gore Kriste a kgone go bonagatšwa ka Kerekeng ya Gagwe, bjalo ka Motho yo motee, Yena le Mosadimogatša wa Gagwe, Yena le Monyalwa wa Gagwe. Amene. Ye ke iri ye re e phelago. Se ke Seetša sa letšatši. Sepelang ka go Sona! “Phološwang, magomo ohle a lefase.”

<sup>135</sup> Leutu la kereke la letšatši le be le fora kudu, Jesu o boletše ka go Mateo 24. O rile, “E tla fora le bona bakgethiwa ge go kgonega.” Le a bona, e sego Luther ga se a amogela... Luther ga se a kgona go fora Methodist. Methodist ga se a kgone go fora Pentecostal. Yeo ke nnete, le a bona, eupša go reng ka Monyalwa? Seo ke se se beago mahlo a Mapentecostal ntle. Ya. Le a bona, le ile morago go thutotumelo ya lena, go sebopego sa gago, wa kgatlofatša, gomme wa hwetša sehlopha sa monna a go botša o dire eng.

<sup>136</sup> Beibele e tshepiša dilo tše. Re hloka banna le basadi ba ba tladiršwego ka Moya wa Modimo.

<sup>137</sup> Ge o re o na le Moya wa Modimo ka go wena, gomme Modimo o dira tshepišo ye e itšego ka Fa, go kgonega bjang gore Moya wo Mokgethwa o E feleletše, o re, “Gabotse, go ka no ba go lokile go lebaka le lengwe. Ga re E dumele ka tsela yeo”? Woo ga se Moya wo Mokgethwa.

<sup>138</sup> Monna yo a tladiršwego ka Modimo, yena le Lentšu ke batee. Nnete, ke yona. Ke setšweletšwa sa kopano, kopano gare ga Modimo le motho.

<sup>139</sup> Mosadi a ka kgona bjang, yo a yago go ba mogatša wa monna, go fapano, a dira dilo tše a sa nyakego a di dira? Re ka kgona

bjang go gerema le lefase, le dikerekemaina le mekgatlo, le go gana Seetša sa iri? E ka dirwa bjang, ngwanešu le kgaetšedi? Ka lerato la bomodimo le tlhompho go yo mongwe le yo mongwe wa lena, re ka kgona bjang go amogela dilo tše? Re ka kgona go e kwa bjang? E lahlela thwi morago ka difarong tša rena gape.

<sup>140</sup> Le se ke la ahlola Maluther; ka baka la gore, ba ahlotše Katoliki. Le se ke la ahlola Wesley; ka baka la gore, o ahlotše Lutheran. Le a bona, ka mokgwa woo, ge o ahlola Selo se se diregago lehono gomme wa retologa go tloga go Lona; ge le bona dikereke tša lena di eya ka go mosepelo wo mogolo wo wa mohlakanelwa, le go ya pele ka mokgwa woo, go le eta pele, yo mongwe le yo mongwe yo motee, go ya ka go leswao la sebata, gomme le na le lona. Batho ba bantši ba dipelo tša go botega ba sepelela thwi ka go yona.

O re, “Ke batho ba go loka, batho ba bakgethwa.”

<sup>141</sup> Baprista bale ba be ba le bjalo. Ge eba ke swanetše go tšeа bokgethwa bja Jesu Kriste, goba dikenya tša Moya, bontši bja lena le ile go ye...Bjale, e sego go se hlomphe go yona. Ke dumela Lentšu le lengwe le le lengwe la yona.

<sup>142</sup> Ba bantši ba tla re, “Oo, ke boletše ka maleme. Ke O hweditše.” Seo ga se Wona. Aowa, mohlomphegi.

Ba bantši ba bona ba re, “Kenywa ya Moya, yeo ke Yona.” A ke Yona?

<sup>143</sup> A re beeng Jesu tekong (Modimo, ntshwarele) nakwana. A re le tlišeng godimo, gomme ke tla ba moprista. Ke tla re go lena, “Moisa yo moswa yo, o tla ka toropongkgolo, yo a bitšwago Jesu wa Natsaretha. Le se ke la Mo theetša. Re dumela kenywa ya Moya. Bjale lebelelang mo, moprista wa lena wa kgale wa go loka. Yena, tatemogolo wa gagwe, rakgolokhukhu, bohle ba be ba le baprista. O dirile sehlabelo, bophelo bjhole bja gagwe bjo boswa. O dutše thwi ka seminaring. O šeditše, o dumetše, o—o dirile se sengwe le se sengwe ba kilego ba mo ruta. O tseba Lengwalo, go tloga go A go fihla go Z. O ile a Le ngwala, ka boyena. O ngwala Mangwalo, ka boyena, ba mangwalo ba a dira. Gomme šo yena, monna yo mobotse! Le a tseba ke yena.

<sup>144</sup> “Go diregile eng ge mmago a be a go tswala? Ke mang a emego kgauswi le lehlakore la mpete wa gago? Moprista yola wa kgale wa go loka. Ge mme le papa ba be ba eya go arogana, ke mang a beilego matsogo a bona go dikologa bobedi gomme a ba hlahlela morago go Modimo? Moprista yola wa kgale wa go loka. Ya.

<sup>145</sup> “Gomme mo Jehofa o nyaka kwana bakeng sa sehlabelo, bakeng sa sebe. Borakgwebo, ba dula ka ditoropongkgolo fa gomme ba—ba rekiša diphahlo tša bona, le—le go ya pele, ditšweletšwa tša bona le go tšweletša, le e ka ba eng ba yago go e rekiša. Ga ba rue dikwana. Gomme baprista ba dirile eng? Ba dirile boemo bjo bonnyane godimo fale, go bona go rekiša

dikwana, gore monna yo a kgone go ya ka gare, a hlwekiše soulo ya gagwe le Jehofa.

<sup>146</sup> “Moisa yo o dirile eng, Jesu wa Natsaretha, o a dira? Ke kereke efe A tšwago go yona? Ke kerekela efe A lego wa yona? Ke karata efe ya kopanelo? Re tla Mo ragela ntle. Re ka se be le selo go dira le Yena, gobane O ahlola yo mongwe le yo mongwe wa rena. O dirile eng? O ya godimo fale le go tšea seo, moo batho ba lekago go dira disoulo tša bona di phološwe, kerek,” bjalo ka ge re ka e bitša lehono, lena batho ba monagano wa semoya, “O ragile tafola, o lahletše tšhentšhi ntle; o tšere dithapo le go di bofaganya mmogo, gomme o ba kitimišeditše ntle; gomme o biditše moprista yola wa kgale wa bomodimo wa lena, ‘morwa wa diabolo,’ mokgalabje yola wa go loka yo a go adimilego tšhelete yela ge o be o le bothateng.

<sup>147</sup> “Ke mang a yago go ema hleng le wena le go go boloka ge o hwile? Moprista yola wa kgale wa go loka. O na le kenywa ya Moya. Eupša a Jesu yo wa Natsaretha o na le kenywa ya Moya?”

<sup>148</sup> O ka se ahlole ka go bolela ka maleme, ebile o ka se kgone go ahlola ka kenywa ya Moya. Eupša ke ponagatšo ya Lentšu la Modimo, e tlišwa Seetšeng. Ke Seetša se se e dirago.

Monna yo a sepelago ka go Seetša sela! Jesu Kriste ga se a hwetša go bolela ka maleme, le ge A e dirile. O be a se kenywa ya Moya, le ge A dirile. O be o ka se kgone go e ahlola. Eupša O dumetše le go Le feleletša, gomme Modimo o phetše Lentšu le lengwe le le lengwe la tshepišo ya letšatši leo ka Yena. Seo ke Seetša sa iri. Bjoo ke bohlatse.

<sup>149</sup> Ge motho a mpotša gore Moya wo Mokgethwa o wela ka go bona o tla gana Lentšu la Modimo go beng bjalo, go ne se sengwe sa phošo ka sona. Go ne se sengwe sa phošo ka diseminarí tša rena, le go ya pele, ge ba ruta monna thutamodimo yohle ye ya go foraforetša le dilo tša lehono. Bona monna o tla dira sa go swana kgahlanong le Lentšu la Modimo, le go ba hlahlala thwi ka go tlhabelo yela ya mohlakanelwa tlase kua, gabaneng, nnete, ke phošo.

<sup>150</sup> Ke bolela seo Leineng la Morena! Lena šetšang gomme le bone ge eba Ga se therešo, Seetša, Seetša sa iri!

<sup>151</sup> Dithutotumelo tšela tša go tonya di ka se tsoge tša tliša puno. Re swanetše go ba le Kereke ye e hlatswitšwego ka Mading a Kwana, le go ba e tee le Lentšu, e be Kereke.

<sup>152</sup> Mautu a kerek a letšatši le, Jesu o rile, a fora kudu, “go nyakile Bakgethiwa ge go be go kgonega.” Feela Bakgethiwa! “Eupša bjalo ka ge go bile matšatšing a Noage, ge disoulo tše seswai di phološitšwe, go tla ba bjalo ka go Tleng ga Morwa wa motho.” Kudu, ba se nene kudu ba tla phološwa ka nako yeo.

<sup>153</sup> E dira eng? E etellapele thwi go ya tlhabong. Re hwetša seo ka go leswiswi le la bjale le re phelago ka go lona. Ke a tswalela,

ka go bolela se. Ka go leswiswi le la bjale le re phelago ka go lona, matšatši a ao bjale re phelago ka go wona, ge Seetša se dirilwe go ganwa ka magodimong, Se retoletšwe ntle fa magareng, pele, go re bontšha; se laeditšwe ke Beibele, go Mahuto a Supago, se se bego se direga. Gomme mo Modimo o se bega thwi ka legodimong, o tla thwi fase gomme a se bega lefaseng. Gomme dikereke di sepelela thwi ka go sona!

<sup>154</sup> Ke mang a tla phološago Monyalwa yola yo monnyane wa go boloka Lentšu gona? Go ya go direga eng go Yena ge A retologetše ntle ka go tonyeng, ka Boyena? A ka se tonye, Lentšu le le hlatsetšwego la tshepišo letšatšing le. Oo, ee. Go swana le . . .

<sup>155</sup> E a gakantšha, ke a tseba ke yona, go batho, go bona kerek e no re, “Gabotse, e no ba gabotse selo sa go swana.” Jesu o rile go tla ba ka tsela yeo. E tla ba, go fihla, “E tla fora le bona Bakgethiwa ge go be go kgonega.” Oo, ee. Ee, mohlomphegi.

<sup>156</sup> E no nkgopotša ka moisa ka Florida, e sego telele go fetile. O be a bolela, o rile o be a na le koloi ya Chevrolet ye e ilego ntle godimo ga gagwe ka Florida, gomme o rile o e tšeetše ka karatšheng. Gomme mekheniki yo o be a eya mmogo fale, gomme o hweditše se sengwe le se sengwe se beilwe mmogo, gomme ga se a kgone go e dira e dume. O beile se sengwe le se sengwe ka go yona, seo a kgonnego. O mpshafaditše dilo tšohle tše tša go fapania, eupša, sengwe se sengwe, se no se šome. Gomme ga se a kgone go e thoma. O nno tšwelapele a leka le go leka. Mekheniki yo monnyane o be a tšhogile, a kitima go dikologa, gohlegohle moagong, a topa se.

<sup>157</sup> Gomme monna a eme, a re, “Ke letetše koloi ya ka, mohlomphegi. Ke thari. A ga o kgone go e hwetša?”

<sup>158</sup> O rile, “Ke dira tšohle nka kgonago go di dira,” go tšhoga ka kgontha le go ya pele. Gomme o sepetše mmogo.

<sup>159</sup> Thwi mokgomana wa go apara gabotse o sepeletše godimo le go mo lebelela dinakwana di se kae, gomme o rile go mekheniki, ka morago ga ge a mo dumeletše go thudiša hlogo ya gagwe go dikologa lebakana le lennyane, o rile, “Gobaneng o sa no kgwatha se? Ga o hwetše moela e ka ba ofe.”

<sup>160</sup> Kafao o rile, “Ga se nke ka nagana ka seo.” Kafao o nno retolla selo se sengwe se sennyane sela, e ka ba eng se bego se le fao, gomme a tliša mo—mo moela ka gare, koloi ya duma.

<sup>161</sup> O retologile go dikologa gomme a re, “Ke wena mang?” Le a tseba gore e be e le mang? Moentšeneere mogolo wa—wa General Motor. O dirile selo. O se hlamilie.

<sup>162</sup> Ka go iri ye, ngwanešu, ge re makala bothata ke eng ka tsošeletšo ya rena, bothata ke eng? Re na le materiale le se sengwe le se sengwe, re na le dikgerekkgere, eupša Maatlatshepedišo a kae? Seo ke se re se hlokago, go šuthišetša Jesu Kriste ka gare go lefelotiragalo. Molato ke eng? Ke a le botša, go na le yo

Motee mo lehono, haleluya, o bitšwa Moya wo Mokgethwa, yo a kgonago go kgwatha Maatlatshepedišo. Ke Maatlatshepedišo a dikgerekere.

<sup>163</sup> Re a ema lehono, rena Mapentecostal, ye nngwe ya dikereke tše kgolokgolo ka setšhabeng, dikete atiša ka dikete di oketšwa ngwaga wo mongwe le wo mongwe, eupša Moya wo Mokgethwa wola o kae? Re o amogela, ka go bolela ka maleme, gomme re bone ka fao e dirwago. Methodist e a o amogela, ka go goeletša. Luther o amogela, ka tumelo, le go ya pele ka mokgwa woo. Yeo ga se Yona.

<sup>164</sup> Ke Lentšu! Ke Lentšu le gotteditšwe, Seetša se gotetša dikgerekere gomme di ba Maatlatshepedišo. Ke Maatlatshepedišo, ge Maatlatshepedišo, ge Maatlatshepedišo a etla go dikgerekere. A thoma selo go tokologa. Yeo ke nnete. Tše Lentšu. Ge eba go ne selo se sennyane se hlailwe, go Lona, le ka se thome. Beela thoko boima bjo bongwe le bjo bongwe, ism ye nngwe le ye nngwe, thutotumelo ye nngwe le ye nngwe, yeo ke Maatlatshepedišo, Moya wo Mokgethwa, o ka ela go kgabola Lentšu le go hlatsela Lentšu le le tshepišitšwego letšatši le; gona Kereke ye kgolo ya Modimo e tla tsoga ka maoto a gagwe boka sefofane sa tšete, ya tloga go ya mafaufaung go kopana le Mong wa gagwe. Yeo ke nnete tlwa. Go fihlela re dira seo, e ka se some. Seo ke se se lego mabapi le sona. Ee, mohlomphegi. Ke mang a tla e dirago? Ke mang a tla e bolokago ka go letšatsi le re naganago ka lona? Elelwa, elelwa, ngwanešu.

<sup>165</sup> Bjale e nkgopotša kanegelo ye nngwe ye nnyane. E sego go ya morago go dikanegelo, eupša mogwera wa ka o be a eme ka Carlsbad, New Mexico, ge re be re le kua re swere kopano godimo ka Carlsbad. Gomme go be go le sehlopha sa batho se ile tlase ka leweng.

<sup>166</sup> Oo, ga—ga se nke ka tsoge ka rata selo sela, tlase fale moo se tebilego, gomme e ka ba maele ka mobung. Ke, ke kgotsofetše godimo mo. Kafao, ba ile tlase go kgabola. Ke nyaka go ya godingwana, e sego ka tlasana. Kafao ke . . .

<sup>167</sup> Ba tšere moisa yo, ba ile tlase ka fale. Gomme o be a le monna mogwera, gomme mosetsana wa gagwe yo monnyane le mošemane yo monnyane ba ile tlase le bona. Gomme—gomme ba ile tsela tlase ka lebatong le legolo la ka tlase, oo, ke a thanka, makgolo le makgolo le makgolo a dikgato ka tlase ga bomorago bja lefase, ba ile tlase fale. Gomme monna fale ka switšhe, gateetee [Ngwanešu Branham o thwantšha menwana ya gagwe—Mor.] o timile switšhe. Gomme go be go le boso le leswiswi kudu, go fihla ebile o sa kgone go bona seatla sa gago se sepela tlase ka pele ga sefahlego sa gago. Mosetsana yo monnyane, selo se sennyane, o be a tšhogile ka nnete. A thoma go goeleta bogodimo bja lentšu la gagwe, “Oo, ke leswiswi! Ke leswiswi! Ke leswiswi,” a goeletša ka go hlakahlakana.

<sup>168</sup> Ngwanabo yo monnyane o diregile go be a eme. O gooleditše ntle ka leswiswing, o rile, “Se boife, kgaetšedi yo monnyane, go ne monna fa yo a ka go gotetša seetša.”

<sup>169</sup> Haleluya! Kereke ye nnyane e ya go dira eng? Le se tshwenyege. Go ne Monna fa lehono yoo a ka go gotetša Seetša, yoo ke Morena Jesu Kriste. Oo, ya. Morena Jesu Kriste!

<sup>170</sup> Elelwang, difofu...ba—ba banna ba bahumi ka matšatšing a tswalo ya Jesu, ba be ba se ba beelwa ntle le go foufatšwa go tšwa go leutu la Jerusalema ge ba fihla kua, ba botšiša ka Yena. Thutamodimo ya bona—thutamodimo ga se e kgone go e hlaloša. Eupša ge ba retologetše ka thoko, ba Ě latetše go Seetša sa Bophelo bjo Bosafelego.

<sup>171</sup> Lena borakgwewo lehono, le se ke la šetša leutu la mekgatlo ye, eupša swarelelang go Lentšu. Le le hlahlela go Seetša. Se boife, kgaetšedi yo monnyane, go ne Monna fa Yo a ka go gotetša Dietša. Go na le Kriste mo Yo a kgonago go dira Lentšu la Gagwe go phela feela go swana le ge A be a le nako yela, a itlhatsela Yenamong gore O a swana maabane, lehono, le go ya go ile. A le dumela?

A re emeng.

<sup>172</sup> Ke na le metsotso ye lesometlhano pele ga nako go ya kopanong ye e latelago. A o ka rata go phagamiša diatla tša gago le go re, “Modimo, gotetša seetša go nna, mosong wo. Ke dumela Lentšu. Ke dumela dikgerekgere. Bea Maatlatshepedišo ka go nna, Morena”? Emišang diatla tša lena gomme le goletše go Yena, “Morena, gotetša Dietša!” Go na le Monna mo yo a ka kgonago go gotetša Dietša. Re hwile, ka go bokomonisi, le go ja godimo ka mehuta yohle ya meela ya mekgatlo, eupša go na le Monna mo Yo a ka kgonago go gotetša Dietša. Monna yola ke Moya wo Mokgethwa, ka Boyena, Jesu Kriste a bonagaditšwe ka Moya!

<sup>173</sup> Morena Jesu, kgwatha se sengwe le se sengwe sa diatla tše; e sego diatla feela, eupša go kitima go theoga letsogo go ya pelong, le go retollela Seetša sa Ebangedi godimo. Leineng la Jesu! 

*THUMAŠA SEETŠA* NST64-0125  
(Turn On The Light)

Molaetša wo ka Ngwanešu William Marrion Branham, setlogong o abilwe ka Seisimane ka Mokibelo mosong, Janaware 25, 1964, go difihlolo tša Full Gospel Business Men's Fellowship International ka Ramada Inn ka Phoenix, Arizona, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)